



ECkbertus propter uirtutes & multifariam eruditionem Bunnensis Canonicus factus est. Habebat autem is Helizabetham sororem honestissimæ uitæ uirginem, quæ Schonaugiensis monasterij abbatissa erat. Monasteriũ illud est situm in fine Treuerensis diocœsis, non longè à Rheno ad syluam Hercyniam. Iuxta autem monialiũ cœnobium erat & alterum monachorum, utrunq; ordinis Benedicti. Itaq; soror fratrem ad se uocat, atque ei persuadet ut monachus fiat. Cum autem ille melioribus literis optimè institutus esset, atque sua doctrina & eloquentia hæreticum quendam, cui hæctenus nemo resistere poterat, unica disputa-

tatione superasset, factum est ut eius loci abbas eligeretur, sub Friderico I. Imperatore, anno Christi circiter millesimo centesimo sexagesimo quinto. In eo officio sacris literis sedulò operam dedit, & contra hæreticos librum ædidi. Scripsit etiam sermones plurimos, qui per totum annum populo annuntiantur. tandem uerò optimè suo officio functus interiit. Trit. in script. Eccles.